

四庫全書

集部

欽定四庫全書

集部

文苑英華卷二百七十四至  
六

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣秦泉

謄錄監生臣閔學澄

欽定四庫全書

文苑英華卷二百七十四

宋 李昉等 編

送行九

崔峒十七首

吉萬一首

朱灣一首

朱放二首

苗發一首

于良史二首

林翊一首

劉復一首

陳存一首

鄭嚴一首

徐嶷一首

于鵠三首

李遠一首

李涉一首

李季蘭一首

釋清江一首

釋靈一五首

釋法震五首

釋皎然十五首

秋晚送丹徒許明府赴上國因寄江南故人

崔峒

秋暮之彭澤籬花遠近逢君書前日至別後此時重寒

夜江邊月晴天海上峯還知南地客招隱住新豐

送薛仲方歸揚州

前人

佳句應無敵貞心不有猜

一作暫曰

慚為丈人行怯見後生

才泛舸貪斜月浮橈值早梅綠楊新過雨芳草待君來

送韋員外還京

前人

十年離亂後此去若為情春晚香山綠人稀豫

一作穎水

清野陂看獨樹闌路逐殘鷺前殿朝明主應憐白髮生

潤州送友人

前人

見君還此地灑淚向江邊國士勞相問家書無處傳荒  
城胡一作閑馬跡塞木戍人煙一路堪愁思孤舟何渺然

送張芬東歸

前人

喧喧五衢上鞍馬自驅馳落日臨阡陌貧交欲別離早  
知時事異豈與世人隨握手將何贈君心我獨知

送蘇遊上饒

前人

愛爾無羈束雲山恣意過一身隨遠岫孤棹任輕波世  
事關情少漁家寄宿多蘆花泊船處江月奈人何

送陸明甫之盱眙

前人

陶令之官去窮愁  
慘別魂白煙橫海戍  
紅葉下淮村澹浪  
搖山郭平蕪到縣門  
政成堪吏隱免就府公恩

江南廻逢趙曜因送任十一交城主簿

前人

江上長相憶因高北望  
看不知携老幼何處渡  
艱難屈指同人盡傷心  
故里殘遙憐驅足馬  
白首到微官

送薛良史往越州謁從叔

前人

辭家年

一作日

已久與子分

一作仍

偏深易得相思

一作思鄉

淚

難為欲別心孤雲隨浦口幾日到山陰遙想蘭亭下清

風滿竹林

送邱二十二之

一作歸

蘇州

前人

積水與寒烟嘉禾路幾千孤猿啼海島羣鴈起湖田曾

寄

一作是

長沙什常

一作嘗

聞大雅篇却將封事去知爾愛

一作意 閑眠

贈元秘書

前人



舊書稍稍出風塵孤客逢秋感此身秦地謬為門下客  
淮陰徒笑市中也聞阮籍尋常醉見說陳平不久貧  
幸有故人茅屋在更將閑事問情親

送韋八少府判官歸東京 前人

元成世業紫真官文似相如貌勝潘鴻鴈南飛人獨去  
雲山一別歲將闌清淮水急桑林晚古驛霜多柿葉寒  
瓊樹相思何日見銀鈎數字莫為難

送馮八將軍奏事畢歸滑臺幕府

前人

王門別後到滄州帝里相逢俱白頭  
自歎馬卿常帶疾還嗟李廣不封侯  
棠梨宮裏瞻龍袞細柳營中著虎裘  
想到滑臺桑葉落黃河東注杏園秋

送王侍御佐婺州

一作蓋少府新除江南尉問風俗

前人

不須惆悵

一作聞君作尉

向江潭吳越風煙到自諳  
客路尋常

經竹選

一作隨竹影

人家大抵傍山嵐  
緣溪花木偏宜遠  
避

地衣冠盡在

一作向

南唯有夜猿啼海樹思鄉北固

一作國

意難堪

一作皆詩選

越中送王使君赴江華

前人

卓蓋春風自越溪獨尋芳草桂陽西  
遠水浮雲隨馬去空山弱篠向雲低  
遙知異政荆門比舊許新詩康樂齊  
萬里相思在何處九疑殘雪白猿啼

送皇甫冉往白田

前人

江邊盡日雉鳴飛君向白田何日歸  
楚地蒹葭連海迥

隋朝楊柳映堤稀  
津樓故市無行客  
山館空庭閉落暉  
試問疲人與征戰  
使君雙淚定沾衣

送賀蘭廣赴邈

前人

而今用武爾攻文  
流輩干時獨卧雲  
白髮青袍趨會府  
定應衡鏡却慚君

送阮芳謁李觀察求任

此君魯浪跡長  
安以詩讓之

吉萬

往日長安路歡遊  
不惜年為貪盧女  
曲用盡阮郎錢身

老方投刺途窮始着鞭猶聞有知己此去不徒然

送李司直歸浙東幕兼寄鮑行集作鮑軍持節大

夫初拜東平郡王

朱灣

翩翩書記早行閒二十年來願見君今日相逢悲白髮

同時幾許在青雲人從北固山邊集作前去水到西陵集作

谿渡口分會集作曾作王門曳裾客為余前謝鮑參軍

送魏校書

朱放

長恨江南足別離幾迴相送復相隨楊一作柳花撩亂撲

流水愁殺人行知不知

送温台

前人

眇眇天涯君去時  
浮雲流水自相隨  
人生一世長如客  
何必今朝是別離

送司空曙之蘇州

苗發

盛門英舊地  
蟬盡早秋時  
歸國人皆久  
移家君獨遲  
廣陵經水宿  
建業有僧期  
若到西霞寺  
應看江撻碑

送孫諭德罷官

一作任

往黔州

孫公先牧此州  
因寄家在彼

前人

中歲分符典石城  
兩朝趨陛謁承明  
闕下昨陳歸老疏  
天南今切去鄉情  
親知握手三回別  
几杖扶身萬里行  
伯道暮年無嗣子  
欲將家事托門生

田家秋日送友

于良史

蒼茫日初晏  
遙野雲初收  
殘雨北山裏  
夕陽東渡頭  
子

一作依漁濂  
里忝含鑒二切大  
合水入田家  
流何意君

藤

水中絕小水出也

迷駕山林應有秋

江上送友人

前人

看爾動行棹未收離別筵  
千帆忽見及亂却故人船  
紛泊鴈羣起逶迤沙渚連  
長亭十里外應是少人煙

送安養閩主簿還竹

一作林

林 林 珩

分手怨河梁南征歷漢陽  
江山追宋玉雲雨夢荆王  
醉裏宜城近歌中郢路長  
更尋棲枳處猶是念仇香

送王倫

劉復

春江日未曛楚客酣送君  
翩翩孤黃

一作島

鶴萬里滄洲



雲四方各有志豈得常顧羣山連巴湘遠水已一作荆  
吳分清光日修阻尺素安可論相思寄夢寐瑤草空氣

氲

送劉秀才南歸

劉存

為別楊柳垂此別千萬里古路入南山春風生灞水停  
車落日在罷酒離人起蓬戶寄龍沙送歸情詎已

送常員外赴朔方

鄭嚴

白露邊秋早皇華戎事催已推仙省妙更是幕中才出

餞傾朝列深功佇帝臺坐間長策利終見勒銘迴

送李補闕歸朝

徐嶷

駟馬歸咸秦雙鳧出海門還從清切禁再沐聖明恩禮  
樂中朝貴文章大雅存江湖多放逸獻替欲誰論

送韋判官歸蘇州

集作門

于鵠

桑乾歸路遠聞說亦愁人有雪常經夏無花空到春下  
營雲外火收一作牧馬月中塵白首從戎客青袍集作衫未

離身

送唐大夫讓節度使歸山

前人

年老成功乞罷兵玉階匍匐進旂

集作雙

旌朱門駕瓦為

仙觀白領狐裘出帝城侍女休梳宮樣髻蕃童新改道家名到時浸髮春泉裏猶夢江樓簫管聲

別太守

前人

花裏南樓春夜寒還如王屋上天壇山中不道無明月

誰肯

集作共

相從到曉看

送友人入蜀

李遠

蜀客本多愁君今是勝遊碧藏雲外樹紅露

詩選作壓驛邊

樓杜魄呼名叫巴江學字流不知煙雨夜何處夢刀州

送魏簡能東遊

李涉

獻賦論兵命未通却乘羸馬去

一作出

關東灞陵原上重

回首十載長安是

一作似

夢中

送韓葵之江西

李季蘭

相看指楊柳別恨轉依依萬里西江水孤舟何處歸  
溢城潮不到夏口信應稀唯有漁陽鴈年年來去飛

送韋叅軍

已見二百七十三卷

釋清江

送別

釋靈一

憑高莫送遠，看欲斷歸心。  
別恨啼猿苦，相思流水深。  
翠雲南澗影，丹桂晚山陰。  
若未來雙鵠，遼城何更尋。

送殷判官歸上都

前人

漾舟雲路客，未過夕陽時。  
向背堪遺恨，逢迎宿未期。  
水容愁暮急，花影動春遲。  
別後王孫草，青青入夢思。

送王穎悟佐歸州

集作歸佐縣

前人

客意天南興已闌，不堪言別向仙官。夢搖玉佩隨旌，一作

旌節心到金華憶，杏壇荒郊極望歸。雲盡瘦馬空嘶落

日殘想得故山青，靄裏泉聲入夜獨潺潺。

送陳元初卜居麻源

前人

欲向麻源隱，能尋謝客蹤。空山幾十里，幽谷第三重。品  
宇寧須葺，荷衣不待縫。因君見往事，為我謝喬松。

送朱放

前人

苦見人間世，思歸洞裏天。縱令山鳥語，不廢野人眠。

送常大夫赴朔方

釋法震

關山今不掩軍候鳥先知大漠嫖姚入烏孫部曲隨高  
旌天外駐寒角月中吹歸到長安第花應再滿枝

送褚先生海上尋鍊師

前人

潮落風吹定天吳避客舟近承三殿旨欲向五湖遊不  
厭烏皮几新逢鶴氅裘明珠漂斷岸陰火映中流華蓋  
芝童引神丹桂女收縣居知縹緲固為識浮邱

送人遊越

前人

不須行借問為爾話閩中海島春冬雨江帆來去風道  
由元度宅身寄朗陵公縱別何傷遠如今關塞通

送韓侍御自使幕巡海北

前人

微雨過山夜洗兵繡衣遙拂海風清幕中運策心猶苦  
馬上吟詩卷已成離亭不惜花源醉古道猶看蔓草生  
因說元戎能破敵高歌一曲隴闌情

丹陽浦送客之海

前人

不到終南向幾秋移居更欲近滄洲風吹雨色連村暗



潮擁菱花出岸浮，漠漠望中春。  
自豔寥寥泊處，夜堪愁。  
如君豈得空高枕，只益天書遣遠求。

奉送陸中丞長源詔徵入朝 釋皎然

詔下鄴侯幕，徵賢寵大。上一作勲才當持漢典，道可致堯。

君藩牧今榮餞，詩流此盛文。  
水從吳渚別，樹向楚門分。  
宿寺期嘉月，看山識故雲。  
歸心復一作何托，惆悵在江

濱

奉送李中丞道昌入朝

前人

文憲中司盛恩榮外鎮崇諸侯皆取則八使獨推功詔  
喜新啣鳳車看舊飾熊去思今武子餘教昔文翁清白  
一作如江水仁流是國風先徵二千石掃第望司空

同廬使君幼平郊外送閩侍御歸臺

前人

留餞飛旌駐離亭草色間栢臺今上客竹使舊朝班日  
落東西水天寒遠近山古江分楚望殘柳入隋關戀關  
心常積迴軒日不閑芳辰倚門道猶得及春還

同顏使君真卿峴山送李法曹陽水西上獻書

時有詔徵赴京

前人

漢日中郎妙周王太史才雲書捧日去鶴版下天來草  
見吳宮發花思御苑開羊公昔一作惜風景欲別幾遲迴

送劉法司之越州

前人

蕭蕭鳴夜角驅馬背城濠雨後寒流急秋來朔吹高三  
山期望海八月欲觀濤幾日西陵路應逢謝法曹

送裴邕之上京

前人

辭山偶世清挾策忽西行  
帆過隨江疾衣粘楚雪輕  
尚文須獻賦重道莫論兵  
東觀今多士應高白馬生

送沈秀才之閩中

前人

越客不成歌春風起綠波  
嶺重寒不到海近瘴偏多  
野戍枕榔發人家翡翠過  
翻疑此中好君問定如何

早春送閩主簿遊越兼謁元中丞

前人

輕舸趣不已東風吹綠蘋  
欲看梅市雪知賞柳家春  
別

意傾吳醪

一作醪

芳聲動越人山陰三月會內史得嘉賓

送李秀才赴婺州

前人

山開江色上孤賞去應遲淶水延吳榜秋風入楚祠

一作

詞猿清獨宿處木落遠行時見說東陽守登樓為爾期

送嚴明府入關謁黎京兆

前人

春日異秋風何為怨別同潮迴芳渚沒花落畫山空旅  
候聞嘶馬殘陽望斷鴻應思京內史相見直城中

送陸判官歸杭州

前人

芳草潛州路乘軺憶再旋餘花故林下殘月舊池邊峯  
色雲端寺潮聲海上天明朝富春渚應見謝公船

同顏使君清明日遊因送蕭主簿

前人

誰知賞佳節別意忽相和暮色汀洲遍春情楊柳多高  
情戀旌旆極浦宿風波惆悵支山月今宵又雜詠  
作不再過

送李季良北歸

前人

風吹殘柳絲一作  
綠孤客欲歸時掩抑楚絃絕離披湘葉

衰前軍猶轉戰故國杳難期北望應門雪空吟平子詩

峴山送裴秀山赴舉

前人

漢家招秀士峴上送君行萬里見秋色兩河傷遠別

一作別

情王師出西鎬虜寇避

集作寢

東平天府登名後迴看楚

水清

送獨孤使君赴岳州

前人

海上仙山屬使君石橋琪樹此來聞他時畫出白團扇  
乞取天台一片雲

文苑英華卷二百七十四



欽定四庫全書

文苑英華卷二百七十五

宋 李昉等 編

送行十

顧況五首

耿緯十一首

司空曙十八首

冷朝陽一首

李益三首

李端十七首

暢當一首

王建八首

楊凝六首

白蘋洲送客

顧况

莫信梅花發由來漫報春不才充野客扶病送朝臣關  
下搖清珮洲邊採白蘋臨流不痛飲鷗鳥也欺人

送韋秀才赴舉

前人

鄱陽中酒地楚老獨醒年芳桂君應折沉灰我不燃洛  
橋浮逆水關樹接非集作飛煙唯有殘生夢猶能到日邊

送使君

前人

天中洛陽道海上使君歸拂霧趨金殿焚香入璪闈山

亭傾別酒野服間朝衣他日思朱鷺知從小苑飛

送大理張卿

前人

春色依依傷解携月卿今夜泊隋堤白沙洲上江離長  
綠樹村邊謝豹啼遷客此集作來無倚仗故人相去隔  
雲泥越禽唯有南枝分目送孤鴻飛向西

送李侍郎從宣城取洞庭路往吳興

前人

世間唯有情難說今夜應無不醉人若向洞庭山下過

闕

聖姑神

奉送蔣尚書兼御史大夫東都留守

耿緯

副相威名重春卿禮樂崇  
賜珪仍拜下分命遂居東  
高旆翻秋日清鏡引細風  
蟬稀金谷樹草徧德陽宮  
教用儒門儉兵依武庫  
雄誰云千載後周召獨為公

送王秘書歸江東

前人

迴首望知音  
逶遲桑柘林  
人歸海郡遠  
路入雨天深  
萬

木經秋葉孤舟向暮心  
唯餘江畔草應見白頭吟

送郭秀才赴舉

前人

鄉賦鹿鳴篇君為貢士先  
新經夢筆夜纔比棄繻年  
海雨沾隋柳江潮赴楚船  
相看南去鴈一作離恨倍潛然

送姚校書因歸河中

前人

十年相見少一宿又還鄉  
去住人惆悵東西路渺茫  
古陂無茂草高樹有殘陽  
委棄收餘稻凋疎採後桑  
月輪生舜廟河水入闕牆  
明過閭閻里光輝共閣香

送胡校書秩滿歸河中

前人

古樹汾陽

集作陰

道悠悠東去長位卑仍解印身去

集作老又

得還鄉河水平秋岸闕門向夕陽音書須數寄莫學晉  
嵇康

送王閔

前人

相送臨漢水愴然望故關江燕連夢澤楚雪入商山語  
我他年舊看君此日還因將自悲淚一灑別離間

渭上送李臧器移家東都

前人

求名須有援學道又無緣故國三千里新春五十年移  
家還作客避地莫知賢東洛今何處風流去渺然

又見二百

十八卷

送郭正字歸郢上

前人

濟江篇已上書府休猶貧積雪商山道全家楚塞人大  
堤逢落日廣漠望通津却到漁潭上驚鷗那肯親

送蜀客還

前人

萬峯深積翠路向此中難欲暮多羈思因高莫遠看卓

家人寂寞揚子業荒殘唯見岷江水悠悠帶月寒

送海州盧錄事

前人

之官逢計吏風土問如何海口潮陽近青州春氣多郊  
原鵬影到樓閣蜃雲和損益闕從事期聽勞者歌

送友人遊江南

前人

遠別悠悠白髮新江潭何處是通津潮聲偏懼初來客  
海味唯甘久住人漠漠烟光前浦晚青青草色故原

一作

定山春汀洲更有南迴鴈亂起聯翩北向秦



送夔州班使君

司空曙

魚國

一作蜀國蠶叢魚鳧皆蜀事又有魚復地屬益州故兩存之

巴庸落麾幢漢守

過曉檣爭市隘夜鼓祭神多雲白當山雨風清滿峽波  
夷陵舊人吏猶誦兩岐歌

送郎士元使君赴郢州

前人

使君持節去雲水滿前程楚寺多連竹江橋

集作橋

遠映

城登樓向月望賽廟傍山行若動思鄉詠應貽謝步

集作

外兵

賊平後送人北歸

前人

世亂同南去時清獨北還  
他鄉生白髮舊國見青山  
曉月過殘雪繁星宿故關  
寒禽與衰草處處伴愁顏

送人遊嶺南

前人

萬里南遊客交州見柳條  
逢迎人易合時日酒能銷  
浪曉浮青雀風溫解黑貂  
囊金如未足莫恨故鄉遙

送曹桐椅

前人

青春三十餘衆藝盡無如  
中散詩傳畫

一作話

將軍扇賣

書楚田晴下鴈江日暖游集作多魚惆悵空相送歡遊自此踈

送盧諶

集作堪

前人

羈貧不易去此日始

集作已

西東旅舍秋林葉

集作夜

行人

塞草風酒醒餘恨在野餞暫遊同莫使禰生刺空留懷袖中

送史澤之長沙

前人

謝朓懷西府單車觸火雲野蕉

集作蕉

依戍客廟竹映湘

君夢渚巴山斷長沙楚路分一杯從別後風月不相聞

送龐判官赴黔中

前人

天遠風雲異西南見一方亂山來蜀道諸水出辰陽堆

案青油暮看碁盡角長諭

集作論

文誰可製記室有何郎

送夏侯審赴寧國

前人

青旂連白浪曉日渡南津山疊陵陽地舟多

集作移

建業

人烟霞高占寺楓竹暗停神如接元暉集江丞獨見親

送菊潭王明府

前人

學成洙泗客皓髮着儒衣一與遊人別仍聞帶印歸林  
多宛地古雲盡漢山稀莫愛潯陽隱嫌官計亦非

送永陽崔明府

前人

古國羣舒地前當桐栢闕煙綿江上雨稠疊楚南山沙  
館行帆息楓洲一作舟候吏還乘藍若有暇精舍在林間

送高勝重謁曹王

前人

江水詩遊作上青楓岸陰陰萬里春朝醉郢城酒暮見洞庭

人興比乘舟訪思懷倒屣親想君登舊榭重喜掃芳塵

送樂平苗明府

前人

天際山多處東安邑更深綠田通竹里白浪隔楓林詩  
有江僧和門唯越客尋應將放魚化一境表吾心

送史申之峽州

前人

峽口巴江水無風浪亦翻蒹葭新有鴈雲雨不離猿江  
客思鄉遠愁人賴酒昏檀郎好聯句莫滯謝家門

送王使君赴太原拜節度副使

前人

新從劉太尉結束向并州絡腦青絲騎盤囊錦帶鈎出

關逢將校下嶺擁干

集作  
戈

矛雪閉黃雲冷山傳畫角秋

劔鋒將破虜函道罷登樓豈作書生老當封萬戶侯

送盧徹之太原謁馬尚書

前人

榆落鷗飛關塞秋黃雲畫角見并州翩翩羽騎雙旌後

上客親

集作  
新

隨郭細侯

送鄭錫

曙魯事此  
君季父

前人

漢陽雲樹情無極蜀國風煙思不堪莫怪別君偏有淚

十年曾事晉征南

送鄭佶歸洛陽

前人

蒼蒼楚色水雲間  
一醉春風送爾還  
何處鄉心最堪羨  
汝南初見洛陽山

送唐六赴舉

冷朝陽

秋色生邊思  
送君西入關  
草衰空大野  
葉落露青山  
故國煙霞外  
新安道路間  
碧霄知己遇

一作  
在

香桂月中攀

送同落第者東歸

李益



東門有行客落日滿前山  
聖代誰知者滄洲今獨還  
片雲歸海暮流水背城閑  
子亦依嵩穎一作嶺松花深閉關

送柳判官赴振武

前人

邊庭漢儀重旌甲事雲中虜  
地山川壯單于鼓角雄  
關寒塞榆落月白胡天風  
君逐嫖姚將麒麟有戰功

送客還幽州

見二百九十九卷

送耿拾遺使江南括圖書

李端

驅傳草連天涼風滿樹蟬  
將過夫子宅亦問孝廉船  
漢

史收三篋周書採百篇別來將有淚不是怨流年

送古之奇之湮西

集作赴安西幕

前人

疇昔十年兄相逢五校迎今宵舉盃酒隴月見軍城候  
火經陰絕邊人接曉行殷勤送書記強虜幾年集作時平

送客往

集作赴

湘江

前人

識君年已老孤棹向瀟湘素髮臨高境清晨入遠鄉三  
山分夏口五兩映涪陽更逐巴東集作江客南行淚幾行

送友人遊蜀

前人

嘉陵天氣好百里見雙流帆影綠巴寺鐘聲出漢州綠  
原春草晚青木暮猿愁正集作本是風流地遊人易白頭

送從舅成都丞廣南歸蜀

前人

巴宇天邊水秦人去是歸棧長山雨響溪亂火田稀俗  
富行應樂官雄祿豈微魏舒終有淚還濕甯家衣

送友人遊蜀

前人

江上花開盡南行見杪

集作少見

春鳥聲愁

集作悲

古木雲影

入通津返景斜連草迴潮暗動蘋謝公今在郡應喜得

詩人

送張少府赴夏縣

前人

雖為州縣職還欲抱琴過樹古聞風早山枯見雪多雞  
聲連絳市馬色傍黃河太守新臨郡還逢五袴歌

送袁稠遊淮南

前人

江淮衰草徧十里見長亭客去逢搖落鴻飛向集作杳

冥空城寒雨細沈院曉燈青欲去行人起徘徊恨酒醒

送何兆下第還蜀

前人

重河

集作江

不可涉孤客莫晨裝古

集作高

木莎城小殘霞

集作星

棧道長裏猿楓子落過

一作送

雨荔枝香勸爾成都

住文翁有學堂

一作舊房

送張芬歸江東寄柳中庸

前人

久是天涯客偏傷木落時如何故國見更欲異鄉期鳥

暮東西急陂

一作波

寒上下遲空將滿眼淚千里怨相思

送樂平苗明府

前人

本自求彭澤誰云道里賒山從古壁斷江向弋陽斜暮

色隨楓樹陰雲暗

集作落

荻花諸侯舊調鼎應重宰臣家

送衛雄下第歸同州

前人

不才先下第詞客却空還  
邊地行人少平蕪盡日閑

蟬波裏樹衆火龍頭闕羨得居茅屋書窻見晚山

集作一蟬

波樹裏衆火龍雲間羨汝歸茅屋書窻見遠山

送雍邱任少府

前人

藜車餞才子路走許東偏  
遠水同春色繁花勝雪天  
鳥

行侵楚色

集作邑

樹影向殷田莫學生鄉思梅真正少年

送義興元少府

前人

逢君惠連第初命便光輝已得羣公祖微

集作終

妨太傅

譏路長人返顧草盡燕迴飛本是江南客還同衣錦歸

送新城戴叔倫明府

前人

遙想隋堤路春天楚國情白雲當海斷青草隔淮生鴈  
起斜還直潮迴遠更平萊蕪不可到一醉送君行

送成都韋丞還蜀

前人

蜀門雲樹合高棧有猿愁驅傳加新命之官向舊遊晨

裝逢酒雨夜夢見刀州遠別長相憶當年莫滯留

送夏侯審遊蜀

前人

西望煙綿樹愁君上蜀時同林息商客隔棧見眾師石  
滑羊腸險山空杜宇悲琴心正幽怨莫奏鳳凰詩

奉送杜中丞赴洪州

暢當

詔出鳳凰宮新恩連帥雄江湖經戰陣草木待仁風豪  
右貪一作弱須威愛紆繁德簡通多慙君子顧攀餞路塵中

送嚴大夫赴桂州

王建



嶺頭分界候一半屬湘潭水驛門旗出山巒洞主叅辟  
邪犀角重解酒荔枝甘莫歎京華遠安南更有南

送李

集作吳

郎中赴忠州

前人

西臺復南省清白上天知家每因貧

集作窮

散官多為直

移遥裝

集作搖鞭

過驛近買藥出城遲朝達留詩

集作憑人

別親

情伴酒悲故園愁去後白髮想迴時何處忠州界山頭

立

集作卓

望旗

送李評事使蜀

前人

勸酒不依巡明朝萬里人轉江雲棧細近驛板橋新石

冷啼猿

一作  
猿啼

影松昏戲鹿

一作  
鹿戲

塵少年為客好況是盆

州春

送鄭權尚書南海

前人

七郡雙旌貴人皆不憶迴戍頭龍腦鋪闕口象牙堆勅  
設薰鑪出蠻辭呪節開市喧山賊破金賤海船來白氎  
家家織紅蕉處處栽已將身報國莫起望鄉臺

送唐大夫罷節歸山

前人

年少平戎老學仙  
表求骸骨乞生全  
不堪腰下懸金印  
已向雲西寄玉田  
旄節抱歸官路上  
公卿送到國門前  
人間鷄犬同時去  
遙聽仙謠

集作  
笙歌

隔水煙

送魏州李相公

前人

百代公勲一日成  
三年五度換雙旌  
閑來不對人論戰  
難處長先自請行  
旗下可聞誅敗將  
陣頭多是用降兵  
當朝面受新恩去  
筭料妖星未敢生

送史將軍安西迎舊使靈觀

前人

漢家都護邊頭沒，駕將麻衣萬里迎。陰地背行山下火，  
風天錯到磧西城。單于送葬還垂淚，部曲招魂亦道名。  
却入杜陵秋巷裏，路人來去讀銘旌。

送司空神童

前人

杏花壇上受書時，不廢中庭趁蝶飛。暗寫兩經收部帙，  
初年七歲着衫衣。秋堂白髮先生別，古巷青襟舊伴歸。  
獨向鳳城持薦表，萬人叢裏有光輝。

送別

楊凝

樽酒郵亭暮雲帆驛使歸野鴻寒不起川雨凍難飛吳  
會家移徧轅轅亭去稀姓楊皆足淚非是強沾衣

送客東歸

前人

君向古營州春風戰地愁草青蒙別路柳亞拂孤樓人  
意傷難醉鷺啼咽不流芳菲只合樂離思返如秋

送客歸湖南

前人

湖南樹葉盡了了見潭州雨散今為別雪飛何處遊情  
來翻似醉淚迸不成流那向蕭條路緣湘黃竹愁

送客往鄜州

前人

新叅將畧事西

一作營

平錦帶駢弓結束輕曉上關城吟

夜角暗驅羗馬發支兵回中地遠風常急鄜畔年多草

自生近喜扶陽係戎相從來衛霍笑長纓

送友人歸淮南

前人

畫舸照河堤暄風草色齊竹凝絲直網蝶去燕遺泥郡  
向高齋近人從別路迷非關御溝上今日各東西

送客往夏州

前人

憐君此去過居延古塞黃雲共渺然沙濶獨尋邊馬跡  
路迷遙指戍人煙夜投孤店愁吟笛朝望行塵喜控弦  
聞有故人今從騎何須著論更言錢

文苑英華卷二百七十五



欽定四庫全書

文苑英華卷二百七十六

宋 李昉等 編

送行十一

武元衡十一首

姚係三首

馬異一首

楊巨源五首

楊衡九首

陳羽八首

歐陽詹二首

韓愈十一首

孟郊十首

呂溫四首

送李侍郎

集作  
郎中

裴起居

武元衡

沱江水綠波喧鳥去喬柯南浦別離處東風蘭杜多長  
亭春婉婉層漢路蹉跎會有歸朝日班超奈老何

送韋侍御司議赴東都

前人

洛京千里近離緒亦紛紛文憲芙蓉沼元方羔鴈羣河  
關連鞏樹嵩岳接秦雲獨有秋風引集作  
思睽携不可聞

送太常十二兄罷冊南詔却赴上都

鄉路自茲始征軒行復留張騫隨漢節王濬守刀州澤

國煙花度銅梁霧雨愁別離無可奈萬恨錦江流

送徐員外使還上都

前人

九折朱輪動三巴白露生蕙蘭秋意晚關塞別魂驚寶瑟連宵怨金壘盡醉傾旄頭星未落分手輓轡鳴

送李正字歸蜀

前人

已獻甘泉賦仍登片玉科漢官新組綬蜀國舊烟蘿劔壁秋雲斷巴江夜月多無窮別離思遙寄竹枝歌

送吳侍御司馬赴台州

前人

盧耽佐郡遙川陸共

集作若

迢迢風景輕吳會文章變越

謠煙林繁橘柚雲海浩波潮余有靈山夢前君到石橋

送韋

集作李

秀才赴滑州謁大夫舅

陌頭車馬去翩翩白面懷書美少年東武楊公姻婭

集作

好

重西州謝傅舅甥賢長亭叫月新秋鴈官渡含風古

樹蟬知己滿朝留不住貴臣河上擁旌旄

送張六諫議回朝

前人

詔書前日下丹霄頭戴儒冠脫皂貂笛怨柳營花

集作烟

漠漠雲愁江館雨蕭蕭  
駕鴻得路爭先翥  
松桂凌寒識

集作獨

後凋歸去朝端如有問  
玉門闕外老班超

同幕中諸公餞送李侍御歸臺

前人

昔年專席奉清朝  
今日持書即舊僚  
珠履會中簫管急  
白雲歸處帝鄉遙  
巴江暮雨連三峽  
劒壁危梁上九霄

歲月不堪相送盡  
顏顏更為

集作被

別離凋

送崔判官還

集作使

太原

前人

勞君車馬此逡巡我與劉君本世親  
兩地山河分節制十年京兆共風塵  
笙歌幾處胡天月羅綺長留蜀國春

報主自應

集作由來

須盡敵相期

集作烟塵

萬里寶刀新

送唐次

前人

都門去馬嘶灞水春流淺青槐驛路直

集作長

白日離亭

晚望望煙景微草色行人遠

送陸渾趙主簿宗儒赴任

姚係

山中渺然意此意乃平生  
長日望鳴騶遙對洛陽城  
故

人吏為隱懷此為蓬瀛夕氣涓巖上晨流瀉岸明存亡  
區中事影響羽人情溪窅值猿下雲歸聞鶴聲及茲春  
始暮花葛正相縈會有携手日悠然去無程

送周愿判官歸嶺南

前人

早蟬望秋鳴夜琴怨離聲眇然多異感值子江山行由  
來重義人感激事縱橫往復念遐阻淹留慕平生晨奔  
九衢棧暮始萬里程山驛風月樹海門煙霧城易綃泉  
源近拾翠沙澈明蘭蕙一為贈貧交空復情

楊叅軍庄送宇文邈

前人

秋雲冒原隰野鳥滿林聲愛此田舍事稽君車馬程離  
堂慘不喧脉脉復盈盈蘭葉一經露香消為贈輕燈光  
耿方寐蟲思隱逾清相望忽無際如含江海情

送皇甫湜赴舉

馬

異

見文粹

馬蹄聲特特去入天子國借問去是誰秀才皇甫湜含  
吐一腹文八音兼五色主文有崔李郁郁為朝德青銅  
鏡必明朱絲繩必直稱意太平年願子長相憶



清明日后土祠送田徹

雜詠  
作澈

楊巨源

清明千萬家處處是年華榆柳芳辰火梧桐今日花祭

雜詠  
作登

祠結雲綺遊陌擁香車惆悵田郎去原迴煙樹斜

送杜郎中使君赴虔州

前人

迢遞南康路清輝得使君虎符秋領俗鴈署早辭羣邊  
靖仍連戍城嚴本帶軍傍江低檻月當嶺滿窻雲境勝  
問閭間天清水陸分和聲將惠政頌述九衢聞

重送胡大夫赴振武

前人

何年擢桂儒生業今日分茅聖主恩  
旌旆仍將過鄉路軒車爭看出都門  
人間文武能雙捷天下安危待一論  
布惠宣威大夫事不妨詩思許琴樽

送陳判官罷舉赴

前人

練思多時冰雪清拂衣無語別書生  
莫將甲乙為前累不廢煙霄是此行  
定愛紅雲燃楚色應看白雨打江聲  
心期玉帳親台位魏勃因君說姓名

送李虞仲秀才歸東都因寄元季二友

高翼閑未倦孤雲曠無期晴霞海西畔秋草闕南時鄴

中多上才耿耿丹霄姿顧我於逆旅與君發光儀同將

儒者方獲忝携

疑作

人知幽蘭與芳佩寒玉鏘美詞舊

友在伊洛鳴蟬思山陂到來再春風夢盡雙瓊枝素業  
且無負青冥殊未遲南橋天氣好脉脉一相思

廣州石門寺重送李尚赴朝時兼宗正卿

楊 衡

象闕趨雲陛龍宮憇石門清鏡猶啟路黃髮重攀轅藻

變朝天服珠懷委地言  
那令蓬蒿客茲席未離樽

送孔周南之海謁王尚書

前人

泛棹若流萍桂寒山更清望  
雲生碧落看日下滄溟潮  
盡收珠母沙閑拾翠翎  
自趨龍戟下再為誦芳馨

冬夜舉公房送崔秀才歸南陽

前人

聞君動征棹犯夜故來尋  
強置一樽酒重欸百年心  
燈白霜氣冷室虛松韻深  
南陽三顧地幸偶價千金

送陳房謁撫州周使君

前人

匡山一畝宮尚有桂蘭叢鑿壁年雖異穿楊志幸同貌  
羸緣塞苦道塞為囊空去謁臨川守因憐鶴在籠

江陵送客歸河北

前人

遠客歸故里臨路結徘徊山長水復濶無因重此來聊  
將歌一曲送子手中杯

送鄭丞之羅浮中習業

前人

百年泛飄忽萬事繫衰榮高鴻脫矰繳達士去簪纓始

從天日疑遊復作羅浮行雲卧石林密月窺花洞明全  
形在氣和習默憑境清夙秘絳囊訣屢投金簡名鐘甃  
促離觴煙霞隨去程何當真府內重得款平生

送王秀才往安南

前人

君為蹈海客客路誰諳悉鯨度乍疑山鷄鳴先見日所  
嗟迴棹晚倍結離情密無貪合浦珠念守江陵橘

送公孫器自桂林歸蜀

前人

桂林淺復碧潺湲半露石將乘觸物舟暫駐飛空錫蜀

香異青眼蓬戶高朱戟風度香難尋雲飄詎留跡舊戶  
閑花草馴鴿傍簷隙揮手共忘懷日墮千山夕

秋夜桂州宴送鄭十九侍御 前人

秋至觸物愁况當離別筵短歌銷夜燭繁緒徧高絃桂  
水舟始泛蘭堂榻詎懸一杯勾一作離阻三歲奉周旋  
鴉噪更漏颯露濡風景鮮斯須不共此且為更留連

送戴端公赴容州

陳羽

分命諸侯重歲蕤繡服香八蠻治險阻千騎踏繁霜山

斷旌旗出天清劔珮光還將小戴禮遠出化南方

送殷華之洪州

前人

離堂悲楚調君奏豫章行愁處雪花白夢中江水清扣  
船歌月色避浪宿猿聲還作經年別相思湖草生

西蜀送許中庸歸秦赴舉

前人

春色華陽國秦人此別離驛樓橫水影鄉落入花枝日  
暖鶯飛好山晴馬去遲劔門當石隘棧閣入雲危獨鶴  
心千里貧交酒一卮桂條攀偃蹇蘭葉藉參差旅夢驚



蝴蝶殘芳怨子規碧霄今夜月惆悵上峨眉

送友及第歸江東

前人

五陵春色泛花枝心醉花前遠別離落羽

詩選作第

耻為關

右客成名空羨里中兒都門雨歇愁分處上店燈殘夢  
到時家住洞庭多釣伴因來相賀話相思

梓州與溫商夜別

前人

鳳凰城裏花時別玄武江邊月下逢客舍莫辭先買酒  
相門曾忝共登龍迎風騷屑千家竹隔水悠揚五夜鐘

明日又從西蜀路不堪天際遠山重

送友人遊嵩山

前人

嵩山歸路繞天壇雪影松聲滿谷寒君見九龍潭上月  
莫辭清夜訪袁安

伏翼洞送夏方慶

前人

洞裏春晴花正開看花出洞幾時迴殷勤好去武陵客  
莫引世人相逐來

送德輿歸穿石洞山居

前人

烏巾年少歸何處一片綵霞仙洞中惆悵別時花似雪  
行人不肯醉春風

送潭府州陸戶曹之任曹自處州淘倉受

集作  
司倉

處州  
除

歐陽詹

三語又為掾大家聞屈聲多年名下人四姓江南英衡  
嶽半天秀湘潭無底清何言驅車遠

集作  
遠車

去有蒙莊情

福建送鄭楚材赴京時監察劉公亮有感激鄭

意

前人

美人河嶽靈家本滎陽

集作水

瀆門承若蘭族身蘊如瓊

文早折青桂枝俯窺鴻鵠羣  
邇來丹霄姿遠逐蒼梧雲  
有伊光鑒人惜茲瑤蕙薰  
中酣前激昂四座同氛氲  
海郡梅雪晴山郵炎景曛  
廻翔罷南遊鳴唳期西聞  
秦塞鸞鳳征越江雲雨分  
從茲一別離佇致如堯君

送鄭尚書赴南海

韓愈

番禺軍府盛欲說暫停盃  
蓋海旗幢出連天觀閣開  
衙時龍戶集上日馬人來  
風靜鷄鷓去官廉蚌蛤廻  
貨通

獅子國樂奏越王臺事事皆殊異無嫌屈大才

送李尚書赴襄陽

得長字

前人

帝憂南國切改命付忠良  
壤畫星搖動旗分獸簸揚  
五營兵轉肅千里地還方  
控帶荆門遠飄浮漢水長  
賜書寬屬郡戰馬隔鄰疆  
縱獵雷霆迅觀碁玉石忙  
風流峴首客花艷大堤娼  
富貴由身致誰教不自強

杏園送張轍侍御

前人

東風花樹下送爾出京城  
久抱傷春意新添惜別情  
歸

來身已病相見眼還明更遣將詩酒誰家逐後生

送桂州嚴大夫

前人

蒼蒼森八桂茲樹在湘南江作青羅帶山如碧玉簪戶

多翰翠羽家自種黃柑遠勝登仙去飛鸞不假驂

一作暇參

送李員外院長分司東郡

前人

去年秋露下羈旅逐東征今歲春光動驅馳別上京飲  
中相顏色送後獨歸情兩地無千里因風數寄聲

送李六協律歸荆南

前人

早日羈遊所春風送客歸柳花還漠漠江鶯正飛飛歌  
舞知誰在賓寮逐使非宋亭池水綠莫忘蹋芳菲

送侯喜

前人

已作龍鍾後時者懶於街裏蹋塵埃如今便別長官去  
直到新年衙日來

送李翱

前人

廣州萬里塗山重江逶迤行行何時到誰能定歸期捐  
我出門去顏色異恒時雖云有追送足跡絕自茲人生

一世間不自張與施譬如浮江木縱橫豈自知寧懷別  
時苦勿作別後思

送石洪處士赴河陽幕

前人

長把種樹書人云避世士忽騎將軍馬自號報恩子風  
雲入壯懷泉石別幽耳鉅鹿師欲老常山險猶恃豈惟  
彼相愛固是吾徒耻去去事方急酒行可以起

送李礎判官歸湖南

前人

長沙入楚深洞庭值秋晚人隨鴻鴈少江共蒹葭遠歷



歷余所經悠悠子當返孤游懷耿介旅宿夢婉婉風土  
稍殊音魚鰕日異飯親交俱在此誰與同息偃

送諸葛覺往隨州讀書

前人

鄴侯家多書挿架三萬軸一一懸牙籤新若手未觸為  
人強記覽過眼不再讀偉哉羣聖文磊落載其腹行年

五十餘

集作餘  
五十

出守數已六京邑有舊廬不容久食宿

臺閣多官負無地寄一足我雖官在朝氣勢日局縮屢  
為丞相言雖懇不見錄送行過淮

集作  
淮

水東望不轉目

今子從之遊學問得所欲入海觀龍魚矯翮逐黃鵠勉  
為新詩章月寄三四幅

送殷秀才南遊

孟郊

詩句滿離袂酒花醺別顏水程千里外岸泊幾宵間風  
葉亂辭木雪猿清叫山南中高集作多古事詠遍始應還

張徐州席送岑秀才

前人

振振芳

集作芝

蘭步升自君子堂泠泠楓集作松桂吟生自

楚客腸迷

集作霸

烏無定棲驚蓬在他鄉去茲門館閒即

彼道路長雨餘山川淨麥熟草木涼楚淚滴章句荆塵

滿

集作京  
塵深

衣裳贈君無餘他久要不可忘

送崔寅亮下第

前人

天地唯一氣用之自偏頗憂心集作人成苦吟達士為高

歌君子識不淺枝蔓幽更多歲晏期攀折時歸且婆娑

素貌

集作  
質貌

如削玉清詞若傾河潛虬

集作  
虬龍

未化時魚鱉

同一波去矣當自適故山饒薜蘿

送韓愈從軍

前人

志士感恩起變衣非變性親賓改舊觀僮僕生新敬坐

作羣書吟行為孤劍詠始知出處心不失平生正淒淒

天地秋凜凜軍馬令驛塵時一飛物色極四靜文粹作淨王

師既不戰廟畫在文粹作廟畧盡無競王祭有所依元瑜初應

命一章諭檄明百萬心氣定今朝旗集作旌鼓前笑別丈

夫盛

贈崔純亮別

前人

食齋腸亦苦強歌聲無歡出門即有礙誰謂天地寬有

礙非遐方長安大道旁小人智慮險平地生太行鏡破

不改光蘭死不改香始知君子交集作心久之集作交久道益

彰君心與我懷離別俱迴違譬如浸蘓泉流苦日已長

忍泣目易衰忍悲形自文粹作易傷項籍豈非集作非壯賈生

豈非集作非良當其失意時涕泗各滿集作沾裳古人勸加

飡此飡難自強一飲集作飯九祝噎一嗟十斷腸况是兒

女冤集作怨下同冤氣凌彼蒼彼蒼若有知白日下清霜今

朝始驚呼碧落空茫茫

送任齊二秀才自洞庭遊宣城

前人

洞庭非人境道路行虛空二客月中下

集作片

帆天外

風魚龍波五色金碧樹千叢閃怪如可懼至誠無不通  
扣竒驚浩淼採異動穹崇物表積高韻人間訪仙公宣  
城文雅地謝守聲聞融證玉易為力辨珉誰不同從茲  
阮籍淚且免泣途窮

山中送從叔簡

前人

莫以手中瓊言邀世上名莫以山中迹久向人間行松  
柏有霜操風泉無俗聲應憐枯朽質驚此別離情

送從弟郢東歸

前人

爾去東南夜我無西北夢誰言貧別易貧別愁更重曉  
色奪明月征人逐羣動秋風楚濤高旅榜將誰共

大梁送柳淳入關

前人

青山轉為塵白日無閑人自古推高車爭利西入秦王  
門與侯門待富不待貧唯賈

集作  
空携

一束書獨去將誰親

送柳淳

前人

青山臨黃河下有長安道歲歲集作世上名利人相逢不知

老

送范司空赴朔方

呂溫

築壇登上將膝席委前籌虜滅南侵趾集作跡朝分北顧

憂抗旌迴廣漠撫劒動旄頭日集作生見黃雲暮行看白

草秋山橫舊秦塞河遠古靈州戍集作善守如無事唯應

獵騎遊



送段秀才歸澧州

前人

湘南孤白芷幽託在清潯  
豈有馨香發空勞知處深  
推賢路已隔賑乏力弗任慙  
我一言方負君千里心寸義  
薄聯組片誠敵兼金惟期踐  
冰雪無使弱思侵

衡州送李兵曹赴湘東

前人


慷慨視別劍淒清泛離琴  
前程楚塞斷此別集作恨洞庭

深文字已久集作久已廢循良非所任期君碧雲上千里一

揚音

道州送戴簡處士賀州謁侍郎

羸馬孤童鳥道微  
三千客散獨南歸  
山公念舊偏知我  
今日因君泪滿衣



文苑英華卷二百七十六

欽定四庫全書

集部

文苑英華卷二百

七十七至  
八十八

詳校官太僕寺少卿臣李廷欽

助教臣常循覆勘

總校官進士臣朱鈐

校對官中書臣秦泉

謄錄監生臣閔學澄

欽定四庫全書

文苑英華卷三百七十七

宋 李昉等 編

送行十二

劉禹錫二十七首

張籍二十五首

元稹四首

送令狐相公自僕射出鎮南陽梁

劉禹錫

夏木正陰成戎裝出帝京沾襟辭闕淚迴首別鄉情雲

樹褒中路風煙漠上城前旌轉谷去後騎踏橋聲久領

鴈行重無嫌虎節

集作  
綬

輕終當持一筆再入福蒼生

以下二十七篇並見集本

奉送裴司徒令公自東都留守再命太原

本封  
晉國

公兩任相  
去十六年

前人

星使出關東兵符賜上公山河歸舊國管籥換離宮行  
色旌旗動軍聲鼓角雄愛棠餘故吏騎竹見新童漢壘  
三秋靜胡沙萬里空其如天下望旦夕詠清風

早秋送臺院楊侍御歸朝

仙署棣華春當時已絕倫  
今朝丹闕下更入白雲人  
重振高陽族分居要路津  
一門科第足五府辟書頻  
鷲鳥得秋氣法星懸  
火旻聖朝寰海靜所至不理輪

送陸侍御歸淮南使府五韻

用年字韻

前人

江左重詩篇陸生名久傳  
鳳城來已熟羊酪不嫌羶  
歸路芙蓉府離堂玳瑁筵  
秦山呈臘雪隋柳布新年  
魯忝

揚州薦因君達短牋

時段丞相鎮揚嘗辱表薦

送太常蕭博士棄官歸養赴東都

時元兄罷相為少師仲兄

為郎官並分司洛邑

前人

兄弟盡鴛鴦歸心切問安貪榮五綵服遂掛兩梁冠侍

膳曾調鼎循陔更握蘭從今別君後長向德星看

奉送家兄歸王屋山隱居

據道書王屋山一名洛陽山

前人

陽落天壇上依稀似玉京夜分先見日月靜忽

集作靜遠聞

笙雲路將鷄犬丹臺有姓名古來成道者兄弟亦同行

送趙中丞自司直郎轉官叅山南令狐僕射幕

府

趙氏兄弟皆僕射門客

前人

綠樹滿褒斜西南蜀路賒驛門經赤縣

赤作臨白草

道路

集作

縣道過黃花相府開油幕門生逐絳紗行看布政後還從

入京華

送河南皇甫少尹赴絳州

祖帳臨周道前旌指晉城午橋羣吏散亥宇老人迎詩



酒每同樂別離方見情從茲洛陽社吟詠欠書生

送王師魯協律赴湖南使幕

即永穆  
公之孫

前人

翩翩馬上郎驅傳渡三湘橘樹沙洲暗松醪酒肆香素  
風傳竹帛高價騁琳琅楚水多蘭若何人事蹇芳

送浙江李相公重赴舊鎮加旌節

前人

江北萬人看玉節江南千騎引金鏡鳳從池上遊滄海

鶴到遼東識舊巢，城下清波含百谷。牕中遠岫列三茅。

碧鷄白馬徊翔久，却擁

集作憶

朱方

集作幢

是樂郊

奉送浙江李僕射赴鎮

前人

建節東行是舊遊，歡聲喜氣滿吳州。郡人重得黃丞相，童子爭迎郭細侯。詔下初辭温室樹，夢中先到景陽樓。自憐不識平津閭，遙望旌旗汝水頭。

送李尚書鎮滑州

自浙西觀察使拜兵部侍郎，月餘有此拜也。

前人

南徐報政入文昌東郡須才別建章  
視草名高同蜀客  
擁旄年少勝荀郎  
黃河一曲東城下  
緹綺千重照路傍  
自古相門還出相  
如今人望在巖廊

送渾大夫赴豐州

自大鴻臚拜家  
集作家丞舊勳

前人

鳳啣新詔降恩華  
又見旌旗出漢

集作渾

家故吏來辭辛

屬國精兵願逐李  
輕車氍毹裘君長  
迎風懼錦領酋豪  
踏雪衙其奈明年  
好春日無人喚看  
牡丹花

送戶部李侍郎自河南尹再除本官歸闕

前人

昔年內史振雄詞今日東都結去思  
宮女猶傳洞簫賦  
國人先詠袞衣詩  
華星却復文昌位  
別鶴重歸太乙池  
想到金門待稱籍  
一時驚喜見鳳儀

送河南尹馮學士赴任

前人

可憐玉馬風流地  
暫輟金貂侍從才  
閣上掩書劉向去  
門前修刺孔融來  
峻陵路靜寒無雨  
洛下

集作水

橋長晝

起雷却

集作共

羨府中棠棣好先於城外百花開

時公伯仲四人

並以顯官居  
洛士宗榮之

送李庚先輩赴選

前人

一家何啻十朱輪諸父雙飛秉大鈞  
魯脫素衣叅幕客却為精舍讀書人  
離筵洛水侵杯色征路函關向晚塵  
今日山公舊賓主知君不負帝城春

送李二十九兄員外赴邠寧使幕

前人

家襲韋平身業文素風清白至今貧南宮通籍新郎吏  
西候從戎舊主人城外草黃秋有雪峰頭煙靜虜無塵  
鼎門為別霜天晚剩把離觴三五巡

送唐舍人出鎮閩川

集作  
中

前人

暫辭鷓鴣鷺出蓬瀛忽擁貔貅鎮粵城閩嶺夏雲迎皂蓋  
遠溪秋樹映紅旌山川遠地由來好富貴當年別有情  
了却人間婚嫁事復歸朝右作公卿

送王司馬之陝州

自太常丞  
授工為詩

前人

暫綴清齋出太常空携詩卷赴甘棠府公既有朝中畫

集作  
舊

司馬應容醉

集作  
酒

後狂按牘來時惟署事風煙入

興便成章兩京大道多遊客每遇詞人戰一場

洛中送楊處厚入關便遊蜀 前人

洛陽秋日正淒淒君去西秦便向西舊學三冬今轉富  
魯傷六翮養初齊王城曉入窺丹鳳蜀路晴來見碧鷄  
早識卧龍應有分不妨從此躡丹梯

送周使君罷渝州歸郢州別墅

前人

君思郢上吟歸去故自渝南擲郡章野戍岸邊留畫舸

綠蘿陰下有山莊池荷雨後衣香老

某作起

庭草春深綬

帶長只恐鳴騶催上道不容待得晚菘香

送蘄州李郎中赴任

前人

楚關蘄水路非賒東望雲山日夕佳薤葉照人呈夏簟

松花滿椀試新茶樓中飲興

某作酒興

因明月江上詩情為

晚霞北地交親長引領早將玄鬢到京華



洛中逢韓中丞之吳興

前人

今朝無意訴離杯  
何況清絃急管催  
本欲醉中輕遠別  
不知翻引酒悲來

送張輿

集作輿  
下同

赴舉輿即同年之子

有序  
不錄

前人

爾生始懸弧  
我作座上賓  
引箸舉湯餅  
祝辭天麒麟  
今成一丈夫  
坎壈愁風塵  
長裾來謁我  
自號廬山人  
道舊與撫孤  
悄然傷我神  
依依見眉睫  
嘿嘿含悲辛  
永懷同

年友追想出谷晨三十二君子齊飛凌烟旻曲江一會  
時後會已凋淪況今三十載閱世難重陳盛時一已過  
來者日日新不如搖落樹重有明年春火後見琮璜霜  
餘識松筠肅機乃獨秀武抱亦絕倫爾今持我詩西見  
一重臣成賢必念舊保節在安貧清時為丞郎氣力侔  
陶鈞乞取斗升水因之雲漢津

送韋道冲秀才赴制舉

前人

驚禽一辭巢栖息無少安秋扇一離手流塵蔽霜紈故

侶不可追涼風日已寒遠逢杜陵士別盡平生歡逐客

無印綬楚江多芷蘭因君時暇遊長缺不復彈閱書南

軒霽絙瑟清夜闌萬境身外寂一盃腹中寬伊昔玄宗

朝冬鄉冠鷺鷥肅穆升內殿從容頂高集作領儒冠游夏無

措詞陽秋垂不刊至今羣玉府學者空縱觀世人希德

門揭若攀峰巒之子尚集作向明訓鏘如振琅玕一旦西

上書班裳拂行集作征鞍荆臺宿暮雨漢水浮春瀾君門

起天中多士如星攢煙霞覆雙闕怵舞羅千官清漏滴

銅壺仙厨下雕盤熒煌仰金榜錯落飛濡翰古來長策  
人所嘆遭時難一鳴從此始相望青雲端

送湘陽熊判官孺登府罷歸鍾陵因寄呈江西

裴中丞二十三兄

前人

射策志未就從事府云除篋留馬卿賦袖有劉宏書忽  
見夏木深悵然憶吾廬復持州民刺歸謁專城居君家  
誠易知勝絕傾里閭人言北郭生門有卿相輿鍾陵藹  
千里帶郭西江水朱檻照河宮旗亭緣雲裏前年初缺

守慎簡由宸宸臨軒弄郡章得人方付此是時左馮翊

天下第一理貴臣持牙璋優詔發青紙迎風奸集作吏行

免先令疲人喜何武劾腐儒陳蕃禮高士昔升君子堂

腰下綬猶黃中丞時為萬年尉汾陰有寶氣赤華多奇鉉束簡

下曲臺佩鞬來歷陽綺筵陪一笑蘭室襲餘芳集作蘭堂襲芳

香風水忽異勢江湖遂相忘因君忽集作儻借問為話老

滄浪

送華陰張茗赴邕府使幕張即燕公之孫頃坐事除名

前人

昔忝南宮郎往來東觀頻嘗披燕文傳聳若窺三辰翊  
聖崇國本保賢正朝倫高視緬今古清風曼無鄰蘭綺  
照通衢一家十朱輪鄰國嗣侯絕蒸鄉貴業貧夫子成

集作承

大名少年振芳塵青袍仙掌下矯首陵煙旻公治

本非罪潘郎一為民風霜苦搖落堅白無緇磷一旦逢  
良時天光燭幽淪重為長裾客佐彼觀風臣分野窮禹  
畫人烟過虞巡不言此行遠所樂相知新雨起巫山陽

鳥鳴湘水濱，離筵出蒼莽。別曲多怨辛，今朝一桮酒。明日千里人，從此孤舟去。悠悠天海春。

送鄭尚書出鎮南海

張籍

遠鎮承新命，王程不假催。班行爭路送，恩賜一集作併時

來牙旆，從城展兵符。到府開蠻聲，集作流喧夜市。海色潤

朝集作南臺殘角，天邊月寒闕。嶺上梅共知，公望重多是。

隔年迴

送嚴大夫之桂州

旌旆過湘潭幽竒得遍探莎城百越北行路九疑南有  
地多生桂無時不養蠶聽歌疑似集作難辨曲風俗自相諳

送蠻客

前人

借問炎州客天南幾日行江連惡谿路山遠夜郎城柳  
葉瘴雲濕桂林蠻鳥驚集作桂叢  
蠻鳥聲知君却迴日記得梅

花名

送遠人

集作前  
北旅思

前人

日日望鄉國空歌白紵詞常

集作長

因送人處憶得別家



時失意還獨語多愁自不集作知客亭門外柳折盡向

南枝

送遠客

前人

南原相送處秋草水邊生同作一

集作憶

鄉客今知集作如今

分路行因誰寄廻集作

歸

信漸遠向集作

問

前程明日重陽

節無人上古城

送海南客歸舊島

前人

海上歸

集作去

應遠蠻家雲島孤竹船來桂浦山地

集作市

賣魚鬚入國自獻錦

集作寶

逢人多贈珠却迴

集作歸

春洞

口斬象祭天吳

送人往濟南

前人

黃綬在腰下知君非旅行將書報舊里留褐與諸生贈  
別盡沽酒惜歡多出城春風濟水上候吏聽車聲

送越客

前人

見說孤帆去東南到會稽春雲剡溪口殘月鏡湖西水

竊沙邊宿

集作立

山鼉竹裏啼謝家曾住處煙洞入應迷

送韓

集作  
韋

評事歸華陰

前人

蓮花峰下住

集作  
西面住  
三峰

出見世人希白髮

集作  
老大

誰相識

青山

集作  
恓惶

又獨歸拂窓秋菌落開篋蟄蛾飛若訪雲中

伴還應著褐衣

送南客

前人

行路雨脩脩青山盡海頭天涯人去遠嶺北水迴

集作  
南

流夜市連銅柱巢居屬象州來時舊相識誰向日邊

集作

南遊

送朱慶餘及第歸越

前人

東南歸路遠，幾日到鄉中。有寺山皆遍，無家水不通。

湖聲蓮葉雨，野色

集作氣

稻花風。州縣知名久，爭邀與客同。

送從弟戴元之蘇州

前人

楊柳閭門外

集作路

悠悠水岸斜，乘船

集作舟

向山寺著屐

集作履

到人

集作漁

家夜月紅柑樹，秋風白藕花。江天詩境

集作景

好迴日莫令賒

送友人歸山

前人

出山成白首重去結茅廬移石修廢井掃龕陳舊書開

田留杏樹分洞與僧居長在幽峰裏樵人見亦疎

集作初

送李評事遊越

前人

未習風塵事初為吳越遊露沾湖草晚

集作濕

日照海山

秋梅市門何在蘭亭水尚流西陵待潮處知汝不勝愁

送李騎曹靈川歸覲

前人

翩翩出上京幾日到邊城漸覺風沙處還將弓箭行席  
箕侵路暗野馬見人驚軍府知歸慶應教數騎迎

送裴相公赴鎮太原

前人

盛德雄名遠近知，功高先乞守藩維。  
集作暫啣恩乍遣分

龍節署勅還同在，鳳池天子親臨樓。  
上送朝官齊出道

傍集作邊辭明年塞北諸藩守。  
集作落應起生祠請立碑

送李司空赴鎮襄陽

前人

中外兼權社稷臣，千官齊出拜行塵。  
再調公鼎勛庸盛

三受兵符寵命新，商路雪開旌旆遠。  
集作展楚堤梅發驛

亭春襄陽風景由來好，重與江山作主人

送南海鄭尚書

前人

聖朝選將持符節，內制宣時百辟聽。  
海北蠻夷來蹈舞，嶺南封館送圖經。  
白鵬飛遠迎官舫，紅槿開當宴客亭。  
此處莫言多瘴癘，天邊看取老人星。

送侯判官赴廣州從事

集作軍

前人

年少多才求自展，將身萬里赴軍門。  
辟書遠至集作到，開

呈客公服新成著，謝恩驛舫過江分。  
白候戍樓集作亭，當

嶺見紅旛海花鬘，草連冬有行處無家不滿園。

送楊少尹赴蒲

集作蒲

城

前人

官為本府當身榮因得還鄉任野情自廢田園今作主

每逢耆老不呼名舊遊寺裏僧應識新別橋邊樹亦

集作

已成公事多閑詩更好將誰相送

集作逐

上山行

送枝江劉明府

前人

老着青衫為楚宰平生志業有誰知家僮從去愁行遠  
縣吏迎來恠到遲定訪玉泉幽院宿應過碧澗早茶時  
向南漸漸雲山好一路遙聞唱竹枝



送浙東

集作西

周阮範判官

前人

由來身

集作自

是煙霞客早已聞名詩酒間天闕因將賀

表至江城應

集作家鄉新

着賜衣還常吟卷裏新

集作相

酬句

自話湖中

集作邊

舊住山吳越主人皆

集作遍

愛重多應不

肯放君閑

送友人盧處士遊吳越

前人

羨君東去見殘梅唯有王孫獨未回吳苑夕陽明古堞

越宮春草上高臺波生遠

一作野

水鴈初下風滿驛樓潮

欲來試問

一作逐

漁舟看雪浪幾多江燕荇花開

送蜀客

前人

蜀客南行過碧溪木綿花發錦江西山橋日落人來

集作

晚行人

少時見猩猩上樹

一作樹上啼

送入蜀客

張籍

行盡青山見益州錦城樓下二江流杜家曾向此中住

為到浣花溪上

集作水頭

送東川馬逢侍御使迴十韻

元稹

風水荆門濶文章蜀地豪眼青禮賓重眉白衆情高思  
湧魯吞筆投虛慣用刀詞鋒倚天劔學海駕雲濤南郡  
傳紗帳東方讓錦袍旋吟新樂府便續古離騷雪岸猶  
封草春江欲滿槽餞筵君置醴隨俗我舖糟莫歎巴三  
峽休驚鬢二毛流年等閑過人世各勞勞

送崔侍御之嶺南二十韻 元稹

漢法戎施幕秦官郡置監蕭何歸舊印

自江陵曹拜

鮑永授

新銜幣聘雖盈篋泥章未破緘蛛懸絲繚繞鵲報語沾

誦丹礪神羊角重開憲簡函

崔君前任  
已為御史

鞶纓馳赴赴綬

珮綉絲絲

音衫

逸翮憐鴻翥離心覺刃劊聯遊虧片玉洞

照失明鑒遙想車登嶺那無淚滿衫茅蒸連蟒氣衣漬

度梅蹠象鬪緣溪竹猿啼帶雨杉颶風狂浩浩韶石峻

嶰嶰宿浦宜深泊祈瀆在至誠瘴江期

集作  
乘

早渡毒草

莫親芟試蠱看銀黑排腥貴食鹹菌湏蟲已蠹果重烏

先鷗氷瑩懷貪水霜清頭痛巖珠璣當盡擲惹以詎能

讒荆俗期王粲吾生問季咸遠書多不達勤為枉搢搢

送王協律遊杭越十韻

前人

去去莫悽悽餘杭接會稽松門天竺寺花洞若耶溪  
渚逢新豔蘭亭識舊題山經秦帝葬壘辨越王棲

一作堤

江樹春常早城頭月易低鏡呈

作澄

湖面出

集作滯

雲壘海

潮齊章甫官人戴蓴絲姹女提長竿

集作干

迎客鬧小市

隔煙迷紙亂紅藍壓甌凝碧玉泥荆南無底物來日為  
儂携

送王十一南行

前人

夏水漾天未晚暘依岸村風調烏尾勁眷戀餘芳罇解  
袂方瞬息征帆已翩翻江豚涌高浪楓樹搖去魂遠戍  
宗侶泊暮烟洲渚昏離心詎幾許驟若移寒溫此別信  
非久胡為坐憂煩我留石難轉君泛雲無根萬里湖南  
月三聲山上猿從茲耿幽夢夜夜湘與沅

文苑英華卷二百七十七